

Hiburu

Hiburu mar kura Yesu nurd untij hitte asanj katin

Al Kurun Urmin Yesube kurun wor po

1 ¹Bikkenbe Al Kurun belej asinini yago mere yire yenbe mere basanj marmij porofet wawun budamde yad yerke wan asinini yago mere yirde hinhan. Goyenterbe porofet gore asinini yago daha mat bebak tiwon yen mere yird yird beljen kurayen kurayen mat mere yirde hinhan. ²Goyenbe kun kun nalu funan belej hen hikeb Al Kurun belej Urmin ten kerke katenbe Al Kurunyen mere momon diriyen. Yenbe det kurun gate min al hiyyen yen Al Kurun belej basija iriyen. Irdeb Urmin goyen hitte mat nanjinya megenya kurun goyen yiryen. ³Yenbe Al Kurunyen denem turun yan wor po goyen kawan forok irde hi. Irde Al Kurunbe al dahade wor po goyen Urmin hitte matbe kenkelak wor po kenen bebak ten hityen. Irdeb Urmin gote merebe tonjen yan wor po geb, nanjinya megenya irde det kurun gayen mohoende po yekeb tumnan gasunenyan po han. Yenbe alya bereyat mata bulunmin halde yunen yunen meten pasi irdeb Al Kurun sanjmin kurun wor po goyen hitte hurkun hani yase belej mat keperde Doyan Al Kurun hiri.

Yesube Al Kurunyen miyon gote folek

⁴Al gobe Al Kurun belej ‘Urne’ iniyen. Munan miyonminbe “meten marne” yinyen. Ningeb Urminbe Al Kurunyen miyon buda kurun gote folek wor po. ⁵Gobe Al Kurun belej yen ge amanen nurde unen hiyen geb, gogo gwaha iriyen. Ningeb goke tenbe Al Kurun belej gaha iniyen:

“Gebe Urne wor po haha. Irkeb hanjab nebe Adoge wor po hihim,”
inyen.

Tikin 2:7

Irde mere kurabe ghade:

“Nebe Nani hemekeb yenbe Urne hiyyen,” yiryen.

2 Samuel 7:14

Mere gobe Al Kurun belen miyonmin kura goke ma yirin. ⁶Irde Al Kurunbe Urmin unkenen mun goyen megen nin alya bereyat Doyan Al Kurun iryin goke tenbe Urne Matalin inyin. Ningeb Urmin Matalin goyen megen gar ten kerke wayen tikeyab Urmin goke yirin goyen asanminde gahade katin hi:

“Al Kurunyen miyon kurun gayen tumnan yen dolon irde hinayin,”
yitin hi. *Tikin 2:7; 89:26-27*

⁷Irdeb Al Kurun dilingde miyonminbe Urmin yara mon geb, goke asanminde gahade katin hi:

“Al Kurunyen meten mar miyonminbe meremin po gama irde han.
Ningeb Al Kurun belen mege yire yenbe mege yiryen, munan kak
melak ulin po yire yenbe gwahade po yiryen,” yirin. *Tikin 104:4*

⁸Goyenpoga Urmin gokeb asanminde gahade katin hi:

“Al Kurun, ge belen alya bereyage doyan yirde ha gobe hubu ma
hiyyen, gwahader hiyen.

Irde doyan yirde henyabe mata huwak mat po doyan yirde hayin.

⁹Gebe mata huwak nin amanen nurdeb mata bulun ninbe bege ar yen
hiyen.

Goke tenbe gere Al Kurun belen basina girde al denem yan wor po
gire yen olip fimin ten tonanger wok iryin.

Irkeb goke amanen wor po nurarin.

Goyenbe kadage yago kurabe gwahade ma iryin,” yitin hi. *Tikin 45:6-7*

¹⁰Irdeb,

“Doyan Al Kurun, hanakpya wor po det kurun gayen forok yemin
monde megen ga kerarin. Nan kin wor gigen irarin.

¹¹Det megen ninya nan kinde ninya kurun gabe bulun henayin. Gega
gebe huginen hayin.

Det kurun gabe amil bida hen erek yenayin go gwahade goyen po,
bulun henayin.

¹²Al kura ulinhormin bidak mupi yirde yemeyde han yen go gwahade
goyen po, det kurun gayen kun kun bulun heke yemeyayin.

Irde amil gergen ten amil bidak gote gasunen kerde han yen go
gwahade goyen po,

det kurun gayen wor bulun heke kame det gergen belen gasunmin
yawarnayin.

Goyenbe gebe gwahader hayen geb, gwahade po hayin,” yitin hi.

Tikin 102:25-27

¹³Al Kurunbe miyonmin kura goke mere gahade mun kura ma iryin:

“Wan ketalner hen al denem yan wor po hawayin.

Irkeb asogo girde han mar goyen bul yirde yawan gasa yirmeke
katkeb yufurka tiyayin,” yitin hi. *Tikin 110:1*

¹⁴Miyonmin gobe alya bereya Al Kurunyen dirnen wen henbe kame
yenya hinayin mar goyen faran yurde hinayin yen yiryin.

Al Kurunyen mere kenkela bebak titek

2 ¹Ningeb nenbe saba fudinde nurde hinhet goyen kenkela wor po tanarde go po gama irde hitek. Monjo son hej saba fudinde goyen tubul ten saba hoyan gama irtek geb. ²Al Kurunyen saba miyommin belen basan hej asininin yago yuntin gobe saba fudinde geb, al kura sabamin walkaka irde gama ma iramin marbe mata bulummin gote murungem bulun yawartek goyen po yawaramin. ³Saba gobe bikkek gega, pel irde kanduk kenej hinhan. Ningeb saba gergen Doyan Al Kuruninin Yesu belen tagalyin gobe saba bikkek gote folek geb, saba gergen goyen pel irtekbe daha mat Al Kurunyen bearar goyen fole irtek? Epte mon. Ningeb gago sabamin kenkela nurde gama irde hinayin dinen hime. Saba gergen gobe Al Kurun belen mata bulunde mat dumulgan tiyen yen Doyan Al Kuruninin belen yingen wa tagalyin. Irdeb sabamin yingen kirminde nuramin mar belen basan hej fudinde yen momon diramin. ⁴Irde saba gergen gobe fudinde goyen alya bereya yikala yire yenbe Al Kurun belen mata tinen turnun yan wor po kurayen kurayen forok yirde hinhin. Irde alya bereyamin Holi Spirityen tarende mata ten ten goyen yunen yen nurde hinhin mar goyen yunen tukun hinhin.

Yesube nen faran durd durd al wor po hiri

⁵Be, nenbe alya bereya belen Al Kurunya hej hej mata gergen goyen goke mere ten hite gago. Al Kurunbe alya bereya yenya hej hej mata gergen forok yiyyen goyen doyan irtek al kura basina iryin. Goyenbe miyommin gwahade kura ma basina iryin. ⁶Goke tenbe Al Kurunyen asande kurar kurabe gahade katin hi:

“Megen nin marbe al denem minmon wor po.

Gega gebe yen ge nurdkakala wor po yirde hayen.

Megen nin alyen dirnen wen gabe al denem minmon.

Gega gebe kenkela doyan yirde hayen.

⁷Ge belen al yirdeb tarej manan yunarin.

Gega alyen sanjbe miyonger tarej gote bande hej irarin.

Gega mel goyenbe den turnun yan yunarin, irde al denem yan wor po yirarin.

⁸Irdeb det kurun gayen yen yufukde yerarin,” gwahade yitin.

Tikin 8:4-6

Fudinde wor po, Al Kurun belen det kurun gayen alyen yufukde yirinyabe det mun kura ma tubul tiyyin. Tumnan yerde pasi iryin. Goyenbe hanke gabe det kurun gayen alyen yufukde ma hike yenen hityen. ⁹Ningeb goke tenbe Yesu nin dufay hej hite. Yenbe nalu dolfonde po megen nin al hiri. Irde yen wor Al Kurunyen miyon gote tarej bande tiri. Irde nen ge ten kanduk tenbe kamyin geb, Al Kurun belen isan nenbe ten denem turnun yan irde al denem

yanj wor po iriyin. Fudinde, Al Kurun belen nej megen nin mar nin buninen nurde igin igin diryin geb, gogo Yesu belen nej tumnan gake kamyin. ¹⁰Al Kurunbe megenya naninyin irde det kurun gate min al. Yen belen po ga det tumnan kurun gayen yirde doyan yirde hi. Yenbe alya bereya budam dirnen wen yirde sanjimin turun yan bana yuku yuku nin nuryin. Goke tenbe Yesu ten kerke katyin. Ningeb gogo kanduk karkuwan karkuwan yinyin. Al Kurunbe gwaha mat Yesu goyen alya bereya mata bulunminde mat Al Kurun hitte yumulgan ten ten meten kenkela po titek al wor po iryin. Al Kurun belen gwahade iryin gobe huwak wor po.

¹¹Yesube gwahade geb, yen belen alya bereya mata bulunmin halde wukken yiryin marya yingenya goyen Naniibe unken po. Ningeb Yesu belen Al Kurun dirnen wen hitin mar goyen dine yago yinen yinen nin memyak ma nurde hiyen. ¹²Yesu belen gwahade nurde hiyen goke Al Kurun mere iryin goyen asanminde gahade katin hi:

“Alya bereya gama nirde han mar, dine yago goyen ge nin momon yiren.

Mel go gabu irde hande gor kun dilyn mar turun girde tikin hewen,”
yitin hi. *Tikin 22:22*

¹³Irdeb, “Nebe Al Kurun nin po hekken nurde hen,” yirin.

Irdeb sopte, “Nebe dirinne yago Al Kurun belen nuntin goya gago tumnan hite,” yitin hi. *Aisaia 8:17-18*

¹⁴Goyenbe dirnen wen gobe al darim yan geb, Yesu wor bere belen kawan kerke darim yan hirin. Al hirin gobe yen belen ulin misin katen kamkeb kamde kamde taren Satan belen tanarde hitin goyen hubu iren yenbe gogo al hirin. ¹⁵Gogab alya bereya kamde kamde nin kafura hen huginen kafura dufay gore bili yirde hike kanduknen nurde hanjen mar gobe gwahade ma nurde hipirken nurde hinayin.

¹⁶Fudinde, Yesube Al Kurunyen miyon ma faran yuryin. Yen faran yurtinenbe Abrahamyen fonenmin yago faran yuryin. ¹⁷Yenbe gwahade goyen po tiyen yen nurde hinhin geb, yen wor nej megen nin al gahade hetek po hirin. Gogab yen belen Al Kurun dolon ird ird mata doyan mar pris buda gote kurunmin hen alya bereyat mata bulun halde yunen yunen nin dapna gasa yirde galak irde hanjen yara yingen ulin pigin goyen Al Kurun galak irde kame yenbe gogo al hirin. Yenbe meten go ten henyabe alya bereya nin buninen nurde hinhin, irde Al Kurunyen mere kenkela po gama irde meten ten hinhin. ¹⁸Yenbe ungura belen lom irke gote kandukbe gwahade yen nurde hinhin geb, al kura ungura belen lom yiryen marbe igin yen belen faran yuryen.

Yesube Mose gote folek

3 ¹Ningeb, kadne yago, Al Kurun belen nej hoy diryin gwahade goyen den wor hoy dirtin geb, Al Kurun dilyn wukken wor po.

Ningeb dufaytinbe Yesu hende po irde hinayin. Yenbe Al Kurunyen mere basan al porofet, irde pris buda gote kurunmin fudinde wor po yen nurde tagalde hityen gogo. ²Yenbe hakot Mose belen Al Kurunyen dirnen wen Israel mar binde mat wor po yen ge nurde kenkela doyan yirde hinhin gwahade goyen po, Yesu wor Al Kurun belen meten unyin goyen kenkela po tiyyin. ³Goyenbe Yesu denem turun yan hetek gobe Mose denem turun yan hitin gote folek wor po. Gobe al kura ya irke ya goyen turun irtinenbe ya iryen al goyen turun irde hanjen go gwahade goyen. ⁴Fudinde, yabe al belen yirde hanjen. Goyenpoga det kurun gabe Al Kurun belen yiryn. ⁵Mosebe Al Kurunyen meten al henbe Al Kurun dirnen wen goyen binde mat wor po yen ge nurde kenkela faran yurde hinhin. Gwaha ten henyabe Al Kurun belen kame mere dahade tiyyen goyen goke tagalde hinhin. ⁶Munan Yesu Kristube Al Kurun Urmin geb, Al Kurun dirnen wen goyen binde mat wor po yen ge nurde kenkela doyan yirde hien. Irdeb nenbe tarej po hen Al Kurun belen kame gwaha diryen goke doyan hen hen goyen bada ma hetekbe yende dirnen wen wor po hetek.

Al Kurun gama ird ird nin bada ma hetek

⁷Ningeb Holi Spirit belen gaha yirin:

“Hanke gayen Al Kurunyen mere nurde han kenem ⁸tonantin sanjin ma irnayin, irdeb meremin nurde gama irde hinayin.

Hakot den Israel marte asetin yago sawsawa po kurun nana bana hinhanyabe

Al Kurun tunan urtek yen tonan sanjin irde meremin pel irde hinhan.

⁹Bana gon kun henyabe dama 40 gayen asetin yagobe mata tinen turun yan wor po forok yirde hinhem goyen yenen hinhan.

Gega tunan nurde kurut nirde hinhan.

¹⁰Goke tenbe yen ge bene ar yirin.

Irdeb, ‘Mel gabe huginen det hoyan nin nurde ne nin ma nurde han. Irdeb matane ma kenen bebak ten han,’ yimirin.

¹¹Ningeb goke bene ar yekeb, ‘Mel gabe nere usan hen hen gasun yunmirinde gor epte ma wan usan hen igin hinayin,’ yen masi tarej po timirin,” gwaha yirin.

¹²Ningeb, kadne yago, bitinde Al Kurun gwahader hitin goyen harhoktin untek dufay bulun kerde yen ge dufaytin tarej ird ird nin manan bada henak geb, kenkela po hen hinan ko. ¹³Gwahade hitek yenbe nana nalu “Hanke” inen hityen gayenter gabe den tumnan sanjin hen hen ge huginen kadam faran gurd ten hinayin. Gogab mata bulun ten ten dufay gore epte ma bulun dirke tonantin tarej henayin. ¹⁴Irde mehende wor po Yesu Kristu nin dufayninin tarej irtirin goyen tubul ma ten sanjin

po tanarde hitek. Kamde kamde nalu forok yiyyen gega, tarej po tanarde hitek. Gwaha titekbe Yesu Kristuya gabu henj Al Kurunjen meten tenj gote iginen iginj wor po goyen yenya gale henj yawartek. ¹⁵Goke tenjbe Al Kurunjen asanjde hayhay gahade dirtenj:

“Hanja gayen Al Kurunjen mere nurde hanj kenem

asetinj yago belej tiyamin gwahade goyen tonanjinj tarej ma irde mereminj nurde hinayinj,” yitinj. *Tikin 95:7-8*

¹⁶Be, hakotbe ganuj mar belej Al Kurunjen mere nurde hinhan gega, pel irde hinhan? Gobe Mose belej Isip nanare mat yade nana hoyande yukurinj mar gore tenj hinhan. ¹⁷Irdeb Al Kurunjen belej dama 40 gayen ganuj mar bearar yirde hinhin? Go mar gobe sawsawa po kurun nana bana gonj henya mata bulun tenj kamde erek naminj mar goyen yirde hinhin. ¹⁸Irdeb ganuj mar hitte wor po Al Kurunjen belej bearar hende binja tenjbe, “Mel gobe epte ma nere usanj gasunde wan usanj henj iginj henayinj,” yirinj? Mere gobe mereminj ma gama irde hinhan mar goke yirinj. ¹⁹Ninjeb go mar gobe Al Kurunjen ninj dufayminj saninj ma irde hinhan geb, Al Kurunjen usanj gasunde hurkunj hurkunj ninj utanj yirke ma kwaminj gobe nurde hityen gogo.

Al Kurunjen alya bereyabe usanj henj tarej henayinj

4 ¹Ninjeb nenj wor kenkela henj hitek. Al Kurunjen belej usanj gasunminj nenj ge tubul tenj binja tiyyinj hi goyen nenj wor monjo epte ma bana gonj hurkuninj geb. ²Hakot asetinj yagobe nenj belej Yesu ninj yitinj mere iginj goyen tagalke nurde hityen gwahade goyen po, Al Kurunjen mere nurde hinhan. Goyenbe mereminj go nurde fudinde yenj dufayminj tarej ma yiraminj geb, yenj hittebe minj minjmonj iryinj. ³Ninjeb nenj dufaynininj yenj ge saninj irtinj mar po ga yende usanj gasunde iginj hurkutek. Al Kurunjen megenya nanjinja det kurunjen gayen yirdeb usanj gasun wor gitik irde ep iryinj. Goyenbe yenj ge dufayminj tarej ma irtinj mar goke Al Kurunjen belej asanjinjdeb, “Nebe bearar tenjbe, ‘Mel gobe epte ma wor po usanj gasunner hurkunayinj,’ yenj binja tihim,” yirinj. ⁴Munanjen usanj henj henj gokeb Al Kurunjen asanj bana gonj kurar kurabe gahade katinj hi: “Al Kurunjen nana fay 6 gayen meten tenj pasi wor po irde nana fayminj 7debe usanj hirinj,” yitinj hi. ⁵Goyenbe mereminj pel iraminj mar goke asanjinj bana mere hoyanj kurabe gahade hi: “Mel gobe epte ma nere usanj gasunde hurkunayinj,” yitinj hi.

⁶Ninjeb gwahade goyen po, Al Kurunjen usanj gasunbe iginj ala hurkunayinj yenj gitik irde ep irtinj hinhin gega, hakot Israel marbe Al Kurunjen mere goyen iginj ma nurde pel iraminj geb, tumnanj ma usanj gasunminjde gor hurkaminj. ⁷Goyenbe nana nalu “Hanja” inenjanjyende ninj alya bereya belej usanj gasunde hurkunayinj yenj dufayminj kirtinj goyen goke kamebe Dewit inyinj. Munanjen nana nalu “Hanja” inenjanj

hanjyende niŋ alya bereya gobe gayenter niŋ alya bereya niŋ yitiŋ. Al Kurun belen Dewit inyin gobe asanminde gahade katin hi:

“Hanja gayen Al Kurunyen mere nurde han kenem tonanjin taren ma irde meremin nurde hinayin,” yitin. *Tikin 95:7-8*

⁸Be, usan gasun niŋ yen hime gobe Kenan megen Yosua belen Israel mar yukurin goke ma yen hime. Mel gore Kenan megende kun fudinde wor po usan hamin manhan usan gasun kun kun nalu hoyan goke Al Kurun belen Dewit momon ma irwon. ⁹Ningeb usan nalu Sabat fudinde wor pobe Kenan nanare kun keperamin gogo mon. Go nalu gobe Al Kurunyen alya bereyamin niŋ ten kame forok yetek hinhin. ¹⁰Ningeb Al Kurun belen metemin pasi irde usan hirin gwahade goyen po, al kura Al Kurunyen usan gasunde hurkunayin marbe tumnan usan henayin. ¹¹Ningeb nen tumnan usan gasunde gor hurkun hurkun ninbe tenninin ilhal ten kurut wor po yen hitek. Gogab Al Kurunyen mere pel irde hinhan mar gote mata ma gama irde hitek. Irdeb usan gasunminde hurkun hurkun niŋ son ma hetek.

¹²Be, Al Kurunyen merebe mali mere yara mon, tonnen yan wor po. Mere gobe fulehare niŋ bidila kura misin kurhan kurhan yaltin gote misin folek wor po. Ningeb kininininin yago yawan tur yirtin tenninin karkuwan goyen bidila gore walde, kininininin paten nangiram kawan irde hi gwahade goyen po, mere gobe dufayya mataya bininin binde niŋ wor po goyen yade kawan yirde hiyen. Irdeb dufaynininya matanininnya igin ma bulun goyen dikala dirde hiyen. ¹³Det kura Al Kurun dilinde epte ma bana kunayin. Dawet Al Kurun belen yiryn gobe dilindebe kawan ala po han. Ningeb mata ten hiten kurun goyen unkuken mun kura yen dilinde epte ma bana kertek. Huwardeb mata ten hiten kurun goyen tumnan kawan po momon irtek.

¹⁴Goyenpoga Al Kurun Urmin Yesu, nen ge ten pris buda gote kurunmin hirin al gore Al Kurunyen gasunde gor hen faran durde hi. Ningeb yen ge dufayninin sanin irde goke tagalde hiten goyen tubul ma po titek. ¹⁵Nende pris buda gote kurunmin megen gar hinhinyabe megen niŋ dufay bulun kurayen kurayen forok yen lomlom dirde hanjen gwahade po, yen wor lomlom irde hinhan. Goyenbe mata bulun mun kura ma tiyyin. Ningeb yenbe nen belen mata bulunde katen hiten belnenbe damin goyen kenkela nurde buninen dirde hi. ¹⁶Ningeb nenbe Al Kurun belen gab buninen dirde igin igin diryen yen hekken nurdeb yen hitte kun kun niŋ kafura ma hen hitek. Irkeb yen belen buninen dirde hiyen. Gogab faran niŋ nurtekeb yen belen buninen nirde igin igin dirde faran durde hiyen.

5 ¹Be, pris buda gote kurunmin hen hanjen kurun gobe Al Kurun belen Israel mar niŋ ten pris buda bana gon niŋ al kura basina yirde hikeb yen ge meten ten hanjen. Meten gobe yen belen ga tonan

heŋ Al Kurunyen ya balem bana hurkun Al Kurun hitte det galak irde, almet mata bulun halde halde nin dapŋa gasa yirde Al Kurun nin kumga ten hanŋen. ²Pris buda gote kurunmin wor megen nin al, mata bulunde igin kattek ala po han geb, bulun tihit yen ma nurdeya mata bulun ten han mar goyen yen beleŋ kwep kwep ma yirde bekenŋe mere yirtek po hinayin. ³Goke tenbe al hoyanŋe mata bulun halde halde nin po ma Al Kurun dapŋa kumga ten galak irde hanŋen. Yingenŋe mata bulun nin manan nurde gwaha ten hanŋen.

⁴Be, al kura denŋe yan hewe yen epte ma pris buda gote kurunmin hiyyen. Yenbe Al Kurun beleŋ Aron basaŋa iryin gwahade goyen po irke gab pris buda gote kurunmin hiyyen. ⁵Ningeb Yesu Kristu wor yingen denŋe turun yan hewe yen pris buda gote kurunmin ma hirin. Gwahade yarabe yen ge amanen nurdeb, “Gebe Urne wor po haha. Irke hanŋabe nebe Adoge wor po hihim,” yirin al Al Kurun goreb pris buda gote kurunmin iryin. ⁶Irdeb meremin kurar kurabe, “Gebe Melkisedekyen minde nin al henbe huginen pris hayin,” inyin.

⁷Be, Yesube gwahade geb, megen gar hinhinyabe alya bereya nin buninen nurde esen henya Al Kurun gusanan irde hinhin. Yenbe Al Kurun palap irde meremin gama irde hinhin geb, gusananmin goyen wol hirin. Al Kurunbe Yesu go kamde kamde mata fole irtek taren igin untek hinhin.

⁸Be, Yesube Al Kurun Urmin gega, kanduk kurayen kurayen yenen hinhinde gor matbe Naninde mere nurde gama ird ird matabe gahade yen bebak tiyyin. ⁹Gwaha matbe Naninde mere gama ird ird mata goyen kura mun son ma hirin. Kenkela wor po gama iryin. Ningeb alya bereya meremin gama irde han mar goyen tumnan yumulan tike Al Kurunya huginen hinayin gote min al hirin. ¹⁰Irkeb Al Kurun beleŋ Melkisedekyen minde nin al irdeb pris buda gote kurunmin iryin.

Dufaytinbe dirin kalak yara ma henayin

¹¹Be, Yesu beleŋ Melkisedekyen minde nin al hen pris buda gote kurunmin hirin goke momon dirtek mere gobe budam po han. Goyenbe denbe aran ma bebak ten han geb, mere dird dird gobe metenen wor po.

¹²Denbe Yesu nin dufaytin taren iramin, irde dama ulyanŋe kutin geb, gaha nanabe al hoyan saba yird yird mar hewon. Goyenbe Al Kurunyen mere tinenya nuramin go gwahade po, al beleŋ po ga saba dirtek han. Ningeb denbe dirin kalak mamu po nene binŋe sanin ma nene hanŋen go gwahade yara han. ¹³Al gwahade kura saba tinenya nuramin goyen po nurde han marbe dirin besare nin mamu po nene han go gwahade goyen. Ningeb mata daminbe Al Kurun dilinge huwak goyen kenkela ma bebak ten hanŋen. ¹⁴Munan Al Kurun nin heken nurde taren po han mar gote sababe al parguwakyan binŋe taren go gwahade goyen. Ningeb

al gwahade gobe saba goyen nurde gama irde gab mata iginya bulunya kenjkela yenenj bebak tenj mata iginj tenj tenj ninj po kurut yenj hanjen.

6 ¹Ningeb mehenje wor po denj tinjenja Yesu Kristu ninj saba dirke nuraminj goyenter po sopte mulganj henj tebanj ma tenj hitek. Gobe bada po henj Yesu gama ird ird matare parguwak henj henj saba goke po nurtek. Munanj saba tinjenja nurtirinj goyenter po mulganj hetekbe ya irninj yenj tola yimiytinje po henje ya pasi ma irtek go gwahade goyen. Ningeb Al Kurunj tubul tenj gisaw kutek mata bulun goyen yubul tenj Al Kurunj ninj bitinj mulganj henj henj mataya Al Kurunj ninj dufaynininj saninj ird ird mataya gote sabare po ma hitek. ²Irde baptais tenj tenj mata, al hende hannininj yerde Al Kurunj gusunganj ird ird mata, al kamtinj kame huward huward gote sabayabe nalu funanje al tumnanj merere huwarnayinj gote sababe Yesuyen alya bereya gayamun ga gergen hanj mar gote saba geb, saba goyenter po ma hitek. ³Al Kurunj belenj iginj yenj nurdeb faranj durkeb dirinje saba go yubul tenje tarej dird dird saba goyenter kutek.

⁴⁻⁶Munanj al kura Al Kurunj belenj dufayminj wuk irtinj gega, Al Kurunj harhok unyenj al gobe Al Kurunj Urminj goyen pel irde al hoyanj dilinj mar sukal irde sopte kuruse hende mayke kamyenj go gwahade goyen. Ningeb al gwahade gobe kame epte ma mata bulun go tubul tenj Al Kurunj hitte binj mulganj hiyyenj. Ningeb al kura Al Kurunyen tarej titinj, irde Holi Spirityen saninje mata tenj tenj mananj nurtinj, irdeb Al Kurunyen merebe iginj yenj binde mat kenjkela bebak titinj, irde Al Kurunj belenj alya bereyaminj doyanj ird ird gote tarej kame wayyenj go wor bikkenj kintinj al gore Al Kurunj harhok unyenje epte ma mata bulun go tubul tenj binj mulganj hiyyenj. ⁷Ningeb megenj kura kigarinj katej bida irke binje iginj wor po forok yeke metenj minj al belenj yawaryenj go gwahade goyen po, al kura Al Kurunj belenj det iginj untinj gote iginenj iginj wor po forok yirke al gobe guram irde tarej iryenj. ⁸Munanj megenj gobe yamunya det hirwanenj yanj po forok yiryenbe megenj iginj monj geb, megenj gote minj al belenj karan urde yasunj ma tiyyenj gwahade goyen po, al gwahade goyen wor Al Kurunj belenj bulun iryenj.

⁹Be, kadininj yago, gwaha mat hayhay dirde hite gabe denj goyen mata goyenter ma kunayinj yenj nurde henja ga dinenj hite. Denje Al Kurunj belenj dumulganj titinj hanj geb, kamebe huginenj dawartek belenj po hanj. ¹⁰Fudinde, Al Kurunbe al kura po iginj yirde kurabe bulun yirde ma yirde hiyen. Yenbe denj belenj yenj ge metenj kurun po tenj hanj goke binj sir ma yenj hiyen. Irde yenj ge amanenj nurdeb alya bereyaminj faranj yurd yurd ninj bada ma henj faranj po yurde hanj goke wor binj sir ma yenj hiyen. ¹¹Ningeb denj kurun goyen kame Al Kurunyen det iginj yawartek yenj doyanj henj hanj goyen fudinde yawartek yenj megen gar henja kadtinj faranj yurd yurd ninj huginenj kurut yenj hinayinj yenj nurde hite. ¹²Irde

asetiŋ yago kura belei mata teŋ hinhan goyen deŋ wor gwahade po teŋ hiwoŋ yeŋ nurde hite. Mel gobe Al Kurun belei kame detmiŋ duney yeŋ biŋa titiŋ goke hekkeŋ nurde tetewoŋ po yeŋ doyaŋ heŋ heŋ niŋ piŋeŋ ma heŋ hinhan. Niŋgeb deŋ wor gwaha teŋ teŋ niŋ piŋeŋ ma heŋ hinayiŋ.

Al Kurun belei biŋa tiyiŋ goke hekkeŋ nurtek

¹³Be, asetiŋ kura mata gwaha tiyiŋ albe Abraham. Al Kurun belei Abraham hitte biŋa tiyiŋyabe al kura yeŋ folek kura hike deŋ urde biŋa titek moŋ geb, yiŋgeŋ deŋ urde biŋa tiyiŋ. ¹⁴Biŋa tenyabe, “Fudinde wor po guram girde saŋiŋ gireŋ. Niŋgeb foŋeŋge yago budam forok yeŋ hinayiŋ,” inyiŋ. ¹⁵Irkeb Abraham go mere gote igineŋ niŋ doyaŋ heŋ heŋ ge piŋeŋ ma heŋ doyaŋ po heŋ hinhin. Irdeb kuŋ kuŋ kame gabe Al Kurun belei inyiŋ gwahade po forok yiriŋ.

¹⁶Be, albe kandukmiŋ kura pasi irniŋ yeŋbe al hoyan kura yeŋ folek goyen deŋ urde biŋa teŋ hanyen. Irkeb kanduk goke kadom mohonde teŋ hinayiŋ gobe gogo po hubu hiyyeŋ. ¹⁷Niŋgeb Al Kurun wor yiŋgeŋ deŋ urde biŋa teŋ hinhin. Gogab Al Kurun belei yeŋ ge teŋ biŋa tiyiŋ mar gore Al Kurunbe dufaymiŋ hoyan ma irde hiyen goyen yeŋ belei nurwoŋ yeŋbe gogo yiŋgeŋ deŋ urde biŋa teŋ hinhin.

¹⁸Niŋgeb biŋa kura tareŋ po ire yeŋbe yiŋgeŋ deŋ urde teŋ hiyen. Biŋa teŋ teŋ mata irawa Al Kurun belei titiŋ gobe usi moŋ geb, sorkok ma hiyyeŋ. Niŋgeb Al Kurun belei detmiŋ igiŋ dunyeŋ yeŋ nurde goke doyaŋ hiniŋ yeŋ mata bulunde mat busaharde Al Kurun hitte watiŋ mar neŋ gayenbe biŋa tiyiŋ gore faraŋ durde tareŋ diriŋeŋ.

¹⁹Niŋgeb Al Kurun belei gwaha direŋ yeŋ biŋa tiyiŋ goke hekkeŋ nurde doyaŋ heŋ heŋ gobe aŋga temeyke hakwa tanarke unkuŋeŋde po hiyeŋ go gwahade, heŋ heŋniniŋ wor saŋiŋ po hiteke det kura belei bulun dirtek ma hite. Al Kurun belei gwahade diriŋeŋ gobe Yesu hitte mat gwaha diriŋeŋ yeŋ nurde neŋbe Yesu niŋ po nurde hite. Yeŋ beleiŋbe Al Kurunyeŋ ya balem bana gasuŋ himam wor po amil tolok gore po pet titiŋ goyen fole irde Al Kurun diliŋ mar hurkuriŋ. ²⁰Yeŋbe neŋ ge teŋ bikkeŋ bana goŋ yeŋ wa hurkuriŋ. Irdeb Melkisedekyeŋ miŋde niŋ al heŋbe pris buda gote kurunmiŋ heŋ hugiŋeŋ meten teŋ hi.

Pris buda gote kurunmiŋ Melkisedek

7 ¹Be, Melkisedek gobe Salem taun kurun goyenter niŋ doyaŋ al kurun. Irdeb yeŋbe Al Kurun tareŋmiŋ hende wor po goyen doloŋ ird ird mata doyaŋ al. Yeŋbe hakot Abraham belei fulenare kuŋ naŋa hoyande niŋ doyaŋ mar karkuwan gasa yirke busaharkeb detmiŋ yade mulgan heŋ wakeb guram irde tareŋ iryiŋ. ²Irkeb Abraham belei fulenare kuŋ dawet yawariŋ kurun goyen pota yirde buda 10 yirdeb

buda un̄kuren̄be yeŋ unyiŋ. Deŋe Melkisedek gote miŋbe “Mata huwak teŋ teŋ doyaŋ al kuruŋ.” Mun̄aŋ deŋem kura “Salem niŋ doyaŋ al kuruŋ.” ³Al gote miliŋya naniŋyabe gogo yeŋ ma po nurde hite. Irde asem yago miŋ gwaha mat kura watiŋ, irde kawaŋ hiriŋ naluya kamyiŋ naluya wor bebakkeŋ moŋ. Yeŋbe Al Kuruŋ Urmiŋ yara, hugiŋeŋ Al Kuruŋ doloŋ ird ird mata doyaŋ al hitiŋ.

⁴Ningeb al gobe al dahade wor po yeŋ dufay henayiŋ. Yeŋbe al deŋem turnuŋ yaŋ wor po geb, asetini Abraham deŋ beleŋ deŋem yaŋ ineŋ han̄yen gore wor fuleŋare kuŋ dawet yawariŋ goyen yawan̄ pota irde buda 10 yirde buda un̄kuren̄be yeŋ unyiŋ. ⁵Gayenterbe Moseyen sabare yitiŋ gwahade po al dawetmiŋ yadeb buda 10 yirdeb buda un̄kuren̄be Liwai miŋde niŋ mar pris hitiŋ goyen yuneŋ han̄yen. Liwai marbe Israel mar bana goŋ niŋ po gega, Israel mar bana goŋ hoyan̄be Moseyen sabare yitiŋ goyen po gama irde detmiŋ goyen buda 10 yirde buda un̄kuren̄be yeŋ yuneŋ han̄yen. ⁶Goyenpoga Melkisedekbe Liwai miŋde niŋ al moŋ gega, Abraham beleŋ detmiŋ buda 10 yirde buda un̄kuren̄be unyiŋ. Irkeb Al Kuruŋ beleŋ yeŋ hitte biŋa tiyyiŋ al Abraham goyen Melkisedek beleŋ guram irde saŋiŋ iryiŋ. ⁷Ningeb al kura tareŋ miŋyaŋ beleŋbe al hoyan̄ tareŋmiŋ bande goyen guram yirde saŋiŋ yirde han̄yen gobe nurde han̄ gogo.

⁸Liwai mar pris hitiŋ gobe al po geb kamnariŋ gega, Israel mar beleŋ detmiŋ pota irde buda un̄kuren̄ yuneŋ han̄yen. Goyenpoga Al Kuruŋyen asaŋde Melkisedekbe kamyiŋ moŋ yitiŋ al goyen Abraham beleŋ detmiŋ pota irde buda un̄kuren̄ unyiŋ. Ningeb Melkisedekbe Liwai mar pris hitiŋ gote folek. ⁹⁻¹⁰Irde hakotbe Liwai mar ma forok yekeya Melkisedek beleŋ Liwai mar gote asem Abraham kinyiŋ. Goya goyenbe Abraham beleŋ detmiŋ buda 10 yirde buda un̄kuren̄be Melkisedek unyiŋ. Ningeb Abraham beleŋ go tiyyiŋ gobe asem weŋ Liwai mar beleŋ Melkisedek untiŋ yara hiriŋ.

¹¹Be, bikkeŋ Israel marbe Moseyen saba tamiŋ. Irde Moseyen sabarebe Liwai mar beleŋ pris meten̄ teŋ hinariŋ yitiŋ. Goyenbe go meten̄ teŋ hinhan gore alya bereyat mata buluŋ halde pasi ma irde hinhan. Halde pasi irde hinhan manhan Al Kuruŋ beleŋ Liwai marte foŋeŋ kura Aronyen miŋde niŋ al po meten̄ goyen unwoŋ. Gega gwahade moŋ geb, al miŋ hoyan̄ Melkisedekyen miŋde niŋ al gore waŋ pris meten̄ tiyyen yeŋ nurde hinhin.

¹²⁻¹⁴Be, pris hoyan̄ wayyen goke yeŋ hityen al gobe Liwai mar al moŋ. Al gote miŋde niŋ marbe Al Kuruŋyen ya balem bana altare heŋ Al Kuruŋ doloŋ ird ird mata go ma teŋ han̄yen. Gobe Doyaŋ Al Kuruŋniniŋbe Yudayen miŋde mat wayyiŋ goke yeŋ hime. Gega Mosebe pris meten̄be Yudayen miŋde niŋ al beleŋ teŋ hinariŋ yeŋ ma tagalde

hinhin. Goyenbe Liwai mar al mon Yesu gore wan pris meten goyen tekeb Moseyen saba bikkek gote gasun manan saba gergen belen tirin.

Pris gergenbe pris bikkek gote folek

¹⁵Be, saba gergen gore Moseyen saba bikkek gote gasun ten ten gote minbe pris hoyan kura Melkisedek yara gore forok yekeb kenkela wor po kawan forok yirin. ¹⁶Al gore pris hirin gobe Israel marte asemde saba bikkek bana gon yitin go ma gama iryin. Gwaha irtinenbe huginen hen hen gote tarende pris hirin. Huginen hen hen gobe epte ma det kura belen bulun irtek hi. ¹⁷Ningeb pris hirin al goke tenbe Al Kurunyen asande gahade katin hi:

“Gebe Melkisedekyen minde nin al hen huginen pris hayin,” yitin.

Tikin 110:4

¹⁸Ningeb gwahade goyen po, saba bikkek gore gwaha gwaha tinayin yitin gobe tareng minmon, irde gore faran durtek epte mon geb, Al Kurun belen saba bikkek goyen ten sijak belen kiryin. ¹⁹Fudinde, Moseyen saba goreb epte ma det kura Al Kurun dilingde wukkek iryen. Ningeb Al Kurun belen saba gergen igin wor po, Moseyen saba bikkek gote folek goyen dunyin. Ningeb nenbe saba gergen goyen gama irde Al Kurun bindere igin kutek.

²⁰Yesu Kristu pris meten unyin gobe bikken Al Kurun belen yingen denge urde bin tiyyin go po gama irde pris iryin. Goyenbe pris hoyan gokeb bin kura ma tiyyin. ²¹Yesu belen pris hirin goke mun po Al Kurun belen asanminde gaha yirin:

“Doyan Al Kurun belen bin tenbe, ‘Gebe huginen pris hayin,’ inyin.

Irdeb meremin goyen tubul ma tiyyen,” yirin.

Tikin 110:4

²²Ningeb Al Kurun belen yingen denge urde bin tiyyin goke tenbe Yesu goyen Al Kurun belen alya bereyamin hitte bin gergen tiyyin gote iginen fudinde wor po forok irtek al iryin. Al Kurun belen bin gergen tiyyin gobe bin bikkek gote folek wor po.

²³Be, Liwai marbe pris meten go ten hinhan gega, yenbe al geb kamde kun hinhan. Irdeb Liwai mar hoyan belen meten goyen ten hinhan.

²⁴Gega Yesube gwahader hiyen al geb, pris meten tiyyin gobe gwahader po ten hiyen. ²⁵Yesube gwahade geb, Al Kurunya huginen haryen. Irde alya bereya faran yuri yen gusunan irde hiyen, irdeb kame wor gwahade po ten hiyen. Ningeb yen belen Al Kurun hitte kun kun belen kerd yunke yen hitte kun han mar goyen tumnan yade hiyen.

²⁶Yesu gobe Al Kurun dilingde wukken wor po ulinde merem mon, irde mata bulun minmon. Al Kurun belen yenya mata bulun maryabe hoyan mun wor po iryin. Irdeb Al Kurun hire gorbe denem yan kurun wor po iryin. Ningeb nenbe pris buda gote kurunmin gwahade gore faran durwon yen nurde hite.

²⁷Liwai mar pris meten ten han mar gote karkuwanmin gobe yingen de mata bulun nin wa gise hanka Al Kurun galak irnin yen dapga gasa yirde kumba ten hanjen. Gwaha ten gab al hoyande mata bulun nin wor gwaha po ten hanjen. Goyenbe Yesube alya bereya megen han kurun gote mata bulun nin ten yingen Al Kurun galak irhem yen wawun unkurun gogo po kuruse hende kamyin. Irde sopte gwaha ma tiyyen.

²⁸Be, Moseyen saba gama irde pris buda gote karkuwanmin han hanjen mar gobe mata bulun minyan. Goyenpoga Al Kurun belen yingen den urde bin tiyyin goyen gama irde pris hiri al Al Kurun Urmin gobe kenkela wor po pris meten goyen ten pasi iryin.

Yesube pris buda gote kurunmin

8 ¹Be, mere gwahade ten hite gote min wor pobe gahade: nenbe pris buda gote kurunmin goyenninin yan hite. Yenbe Al Kurun sanjinmin hende wor po hitte hurkurin, irde Doyan Al Kurun han ketalminde hi. ²Irde gorbe gasun himamde hurkun Al Kurun dolon ird ird mata doyan irde hi. Gor nin gasun himam fudinde wor po gobe Doyan Al Kurun belen po ga irtin, megen gar nin mar belen ma irtin.

³Be, megen nin pris buda gote karkuwanminbe Al Kurun det galak irde dapga gasa yirde kumba ten dolon ird ird meten nin basina yirde meten goyen yunen hanjen. Ningeb nende pris buda gote kurunmin Yesu wor det kura Al Kurun galak irtek go minyan po hiyen. ⁴Munan megen garbe pris belen Moseyen sabare yitin go po gama irde det Al Kurun galak irde hanjen. Ningeb Yesu gobe megen gar hi manhan pris ma hewon.

⁵Goyenbe megen gar nin prisbe Al Kurunyen ya balem megen hi bana gon hurkunbe Al Kurun dolon irde hanjen. Ya balem megen hi gobe ya balem fudinde wor po Al Kurunyen gasunde hi gote tunanen po. Ningeb Mose belen Al Kurun dolon ird ird nin sel ya iren tike Al Kurun belen, “Dugure gor geya nenbe ya balem gikala girmin goyen kenkela po nurdeb go po gama irde sel ya goyen irayin,” inen bebak iryin. ⁶Goyenpoga Yesube meten igin hoyan wor po goyen tirin. Metenminbe megen nin pris belen saba bikkek gama irde meten ten hanjen gote folek wor po. Yesube alya bereyamin ge ten Al Kurun hitte kunbe Al Kurun belen bin gergen titin goyen tare po irde gote iginen forok irde hi. Al Kurun belen bin gergen titin gote iginenbe kurun, munan bin titin bikkek gote iginenbe kurun mon. Ningeb Yesuyen metenbe gogo megen nin prisyen meten folek wor po.

⁷Be, Al Kurun belen hakot bin tiyyin goyen kenkelak wor po manhan sopte bin gergen ma tiwon.

⁸Gega bin tiyyin bikkek goyen al belen kenkela ma gama irde hikeb Al Kurun belen yenenbe gaha yirin:

“Doyan Al Kurun belen gaha yirin:

‘Nurnan ko! Nalu kura forok yiyyen.

Goya goyenbe Israel marya Yuda marya hitte biṇa gergen tiyen.

⁹ Biṇa gergen tiyen gobe bikken asem yago Isip nanare mat yukun
hinhem goyenter yen hitte biṇa timirin go gwahade mon.

Go mar gobe biṇa tenya yinmirin goyen ma gama irde hinhan geb,
ne wor yeneṇ wasak ten harhokne yunmirin,’ gwaha yirin.

¹⁰ Irde Doyan Al Kurun beleṇ sopte yirin.

‘Kame kurabe Israel mar hitte biṇa tenbe gaha yiren:

Dufayminde sabane kerde binde kayen.

Irdeb nebe yende Al Kurun hewen, irke yenbe nere alya bereya
henayin.

¹¹ Irdeb al denem yanya denem monya goyen tumnan ne nin nurde
hinayin.

Ningeb kadomya taynen yagoya kura goyen Doyan Al Kurun nurd
unnaṇ yen saba yirtek ma hinayin.

¹² Nebe mata bulunmin halde yunen.

Irdeb sopte mata bulunmin ge ma po nuren, “gwaha yirin.”

Yeremaia 31:31-34

¹³ Be, Al Kurun beleṇ mere gwahade kurun tiyyin gobe “biṇa gergen”
inyin. Irkeb hakot biṇa tiyyin gobe bulun hiriṇ. Ningeb biṇa bikkek gobe
hen ga mon bana kuyen.

Biṇa bikkekde nin mata

9 ¹ Be, Al Kurun beleṇ hakot Israel marte asem yagot dilingde biṇa
kurun tiyyin go banabe Al Kurun doloṇ ird ird mata nin yitiṇ. Irde
Al Kurunyen ya balem al beleṇ irtiṇ goke manan yitiṇ. ² Al Kurunyen
ya balem gobe sel po irtiṇ. Ya bana goṇ gasuṇ kurhan mehen beleṇbe
hulsi go hende yerde yusuṇ yurde hanṇen kutumya altaya kura gor
hinaryum. Irkeb gise hanṇa alta go hende beret yerde hinhan. Det
go hinhan gasuṇ gobe “Gasuṇ Himam” inen hanṇen. ³ Irde gasuṇ go
harhokdebe “Gasuṇ Himam Wor Po,” inen hanṇen goyen hinhin. Gasuṇ
iraw go kahaltebe amil tolok wor po gore gasuṇ iraw goyen kahalte gin
yitiṇ hinhin. ⁴ Gasuṇ Himam Wor Po bana goṇbe det gahade hinhan: det
hamin kusamuṇ Al Kurun nin kumga ten unen unen gasuṇ alta gol hora
beleṇ po irtiṇyabe Biṇa Ten Ten Bokisya.^a Bokis go wor gol hora parwek
halgayin wor po irde gore po aw urtiṇ goyen hinhin. Bokis go bin banabe
hora beleṇ kuwe dirnen irtiṇ go bindebe binṇe kura “mana” inen hanṇen
goyen goṇ hinhin. Irde Aronyen genun sopte ituṇ hitin goyabe hora

^a **9:4** Gol alta det hamin minyan kumga ten ten gasuṇ gobe amil Gasuṇ Himam Wor Po
bana hurkun hurkun bindere wor po hinhin geb, gobe Gasuṇ Himam Wor Po binde hi yen
nurde hinhan.

parwek irawaya Al Kurun beleŋ sabamiŋ kaŋ Mose unyiŋ goyen Bokis biŋde goŋ hinhan.

⁵Al Kurunyen miyoŋ deŋem Serubim yineŋ hanŋyen gote toneŋ irawabe Bokis gote awmiŋ hende heŋ tapeŋ yisaŋ hitiŋ hinaryum. Serubim gobe Al Kurun deŋem turuŋ yaŋ wor po goyen kawan ird ird miyoŋmiŋ. Goyenbe haŋkab det kurun goke keŋkela ma momoŋ direŋ.

⁶Be, ya bana goŋ niŋ dawet kurun gob gwahade po gasuŋeŋyaŋ yirtiŋ hikeb pris beleŋ gasuŋ himam meheŋde niŋ bana goŋ gise haŋka hurkuŋ Al Kurun doloŋ ird ird mata teŋ hinhan. ⁷Gega damam damam wawuŋ unŋkureŋde po pris buda gote kurunmiŋ po ga gasuŋ himam wor po bana goŋ hurkuŋ hinhin. Goyenbe mali mali ma hurkuŋ hinhin. Yiŋgeŋde mata buluŋya al hoyan beleŋ ma nurde heŋya mata buluŋ titiŋ goyen halde yunwoŋ yeŋ dapŋa dari goyen teŋ gasuŋ himam wor po biŋde goŋ hurkuŋ hinhin.

⁸Pris beleŋ gwaha teŋ hinhan gobe gasuŋ himam meheŋde niŋ goyen miŋmoŋ manhan Gasuŋ Himam Wor Pore hurkuŋ hurkuŋ beleŋ kawan forok yewoŋ yeŋ Holi Spirit beleŋ dikala dirde hi. ⁹Gasuŋ himam meheŋde niŋ gobe gayenter niŋ mata gote tuŋaŋeŋ. Pris beleŋ Al Kurun doloŋ ird ird mata gama irde det galak irde dapŋa gasa yirde kuma teŋ hinhan gega, mata teŋ hinhan kurun gore mel gote biŋ goyen Al Kurun diliŋde wukkeŋ ma yirde hinhin. ¹⁰Al Kurun doloŋ ird ird mata bikkek gwaha teŋ hinhan marbe biŋgeya dapŋaya irde feya damiŋbe igiŋ netek munaŋ damiŋbe epte ma netek gote saba gama irde hinhan. Irde yiŋgeŋ uliŋ sope yird yird mata kurayen kurayen po teŋ hinhan. Al Kurun beleŋ nalu kiriŋ goyen ma forok yeŋ hikeyabe mata goyen po teŋ hinhan. Gega mata gobe biŋ wuk irde irde niŋ moŋ, uliŋ sope irde irde niŋ po teŋ hinhan.

Yesu Kristuyen dari

¹¹Goyenbe Yesu Kristube mata igiŋ bikkeŋ forok yitiŋ gar haŋ gote pris buda gote kurunmiŋ heŋ wayyiŋ. Irdeb gasuŋ himam fudinde wor po wukkeŋ al beleŋ ma irtiŋ bana goŋ hurkuriŋ. Gasuŋ himam gote tareŋmiŋbe hoyan, megen hi gwahade moŋ, gote folek wor po. Gasuŋ himam gobe megen gar ma hi. ¹²Be, yeŋbe neŋ ge teŋ Al Kurun hiyende gor gasuŋ himam goyen bana hurkuriŋ. Goyenbe wawuŋ unŋkureŋde po hurkuriŋ. Irde hurke yeŋya memeya bulmakaw dirŋeŋyat dari ma yade hurkuriŋ. Gwahade yarabe dumulgaŋ teŋ hugiŋeŋ Al Kurunyen alya bereya dire yeŋ darim wok irde kuruse hende kamiŋ. Niŋgeb mata gwahade tiyyiŋ goke Gasuŋ Himam Wor Po bana darim teŋ hurkuriŋ yihim gago.

¹³Munaŋ Al Kurun beleŋ alyen mata buluŋ halde yunwoŋ yeŋbe pris beleŋ memeya bulmakawyat dariya, irde bulmakaw bere foŋeŋ kuma

tike wor yitiŋ tupimiŋ goyen yade al hereŋ yutiriŋ teŋ hinhan. Irke goreb uliŋde wukkek yirde hinhin. ¹⁴Gega Yesu Kristuyen daribe dapŋa dari gote folek. Yenbe mata buluŋ muŋ kuram moŋ. Niŋgeb Holi Spirit hugiŋeŋ hitiŋ gote saŋiŋdebe yingiŋeŋ Al Kuruŋ galak irhem yeŋ kamiyŋ. Niŋgeb darimiŋ gore ulniniŋ siŋare ga po ma wuk iryiŋ. Ulniniŋya bininiŋya goyen tumŋaŋ halde wuk diriŋ. Gwahade niŋgeb Al Kuruŋ tubul teŋ giŋaw kutek mata buluŋbe yubul po titek. Gogab Al Kuruŋ gwahader hitiŋ go po gama irde yeŋ ge po meteiŋ teŋ hitek. ¹⁵Goke teŋbe Yesu Kristube alya bereyamiŋ ge teŋ Al Kuruŋ hitte kuŋ Al Kuruŋ beleŋ biŋa gergeŋ titiŋ goyen tareŋ irde gote igiŋeŋ forok ird ird al hiriŋ. Yenbe alya bereya Al Kuruŋ beleŋ haŋkapiya biŋa tiyyiŋ goyen bana heŋ mata buluŋ teŋ hinhan goyen halde yunhem yeŋ kamiyŋ. Gwahade geb alya bereya Al Kuruŋ beleŋ basiŋa yirde hoy yiryiŋ marbe Al Kuruŋ beleŋ yuneŋ yeŋ biŋa tiyyiŋ detmiŋ goyen yunyeŋ. Irkeb Al Kuruŋya hugiŋeŋ hinayiŋ.

¹⁶⁻¹⁷Be, al kura kameŋ yeŋ nurdeyab diriŋmiŋmiŋ hitte kammeke gab gwaha gwaha tinayiŋ yinyeŋ. Goyenbe mere tiyyeŋ gobe kamke po gab diriŋeŋ weŋ beleŋ mere go gama irnayiŋ. Niŋgeb al kura kameŋ yeŋya mere titiŋ gobe al go kamke gab meremiŋ goyen pel ma irde yeŋ yiyyeŋ go po gama irnayiŋ. ¹⁸Gwahade goyen po bikkeŋ Al Kuruŋ beleŋ biŋa tiyyiŋ goyen Israel mar beleŋ gama irnayiŋ yeŋbe al kamtiŋeŋbe Mose beleŋ dapŋa gasa yirke kamamiŋ gogo. ¹⁹Irdeb meheŋde wor po Mose beleŋ asaŋde Al Kuruŋyen saba katiŋ kuruŋ goyen al buda goyen kapiya heŋ yuniŋ. Irde gab bulmakaw foŋeŋya memeyat dari yade feya suluk yiryiŋ. Irdeb sipsip wuyŋeŋ bukkeŋ irtiŋ goya hisop he haniŋ yuwalŋeŋ miŋyaŋ goyen yadeb dariya feya suluk irtiŋ bana goŋ uliŋ yiryiŋ. Irdeb Al Kuruŋyen mere katiŋ asaŋ go hende utiriŋ teŋ alya bereya uliŋde wor gwaha po yirde tukuriŋ. ²⁰Dari go utiriŋ teŋ yuneŋ heŋyabe, “Gabe saba deŋ beleŋ gama irnayiŋ yeŋ Al Kuruŋ beleŋ biŋa tiyyiŋ goyen tareŋ ird ird dari geb,” yinyiŋ. ²¹Irdeb yiryiŋ gwahade po, ya balemya ya bana goŋ Al Kuruŋ doloŋ ird irdde niŋ dawetya goyen hereŋ wor utiriŋ teŋ tukuriŋ. ²²Moseyen sabareb det kura Al Kuruŋ diliŋde wukkeŋ irtekebe dari beleŋ po gab wukkeŋ iryeŋ yitiŋ. Gwaha irtek detbe budam wor po. Niŋgeb dapŋa mayke dari wok yeke wor wor gab Al Kuruŋ beleŋ alya bereyat mata buluŋ halde yunyeŋ yitiŋ.

Yesu beleŋ mata buluŋniniŋ halde duney yeŋ darim wok irde kamiyŋ

²³Be, megen gar niŋ ya balemya det bana goŋ niŋya kuruŋ gobe Al Kuruŋyen gasuŋde gor niŋ tuŋaŋeŋ po. Niŋgeb dapŋa dari gore gab igiŋ halde wuk yiryen gega, Al Kuruŋyen gasuŋde niŋ ya balemya det bana goŋ niŋyabe dapŋa dari gore epte ma halde wuk yiryen. Dari kura dapŋa dari gote folek wor po gore gab epte halde wuk yiryen. ²⁴Niŋgeb Yesu Kristu

belen darimin wok irde kamyin. Yenbe gasun himam fudinde wor po gote tunanjen megen gar hi al belen irtin bana gonj ma hurkuri. Gwahade yarabe Al Kurun hitte hurkuri. Ningeb hanja gayenbe nen faran durd durd nin tenbe Al Kurun diling mar hi. ²⁵Munan megen nin pris buda gote kurunminbe yingen de dari mon, dapna dari goyen yade damam damam gasun himam bana hurkun hiyen. Goyenbe Yesu Kristube yingen galak irde wawun budam ma kamyin. ²⁶Wawun unjukan kamde alyen mata bulun halde pasi ma iryin manhan Al Kurun belen al yirinde mat mata bulun halde halde nin ten megen gar wawun budam forok yenbe ulin misin katen kamde teban ten hiwon. Goyenbe gwaha ma tiyyin. Gwaha titnenbe mata bulun halde pasi ird ird nin Al Kurun hitte yingen galak irde kame yen nalu funan belen hen hi gayenter megen gar wawun unjukan po forok yirin.

²⁷Albe wawun unjukan po kamnaying, sopte ma kamnaying. Goyenbe go kamereb merere huwarke Al Kurun belen al igin ma bulun goyen pota yiryen. ²⁸Ningeb gwahade po Yesu Kristu manan al budam gote mata bulun yad sina yire yen wawun unjukan yingen Al Kurun galak irde kamyin. Irdeb kame sopte wayyen. Goyenbe goyenterbe alyen mata bulun halde halde nin ma wayyen. Gwaha titnenbe yen ge doyan hen han mar yumulgan ten ten nin wayyen.

Saba bikkek gama irde Al Kurun galak irtek gobe min minmon

10 ¹Be, Moseyen sababe det igin kura kame wanaying gote tonen po, det fudinde Al Kurun hitte han goyen mon. Ningeb sabamin gama irde damam damam dapna gasa yirde Al Kurun dolon ird ird mata goyen po ten teban ten hinayin gega, mata goreb Al Kurun dolon irnin yenbe yen hitte wan han mar goyen epte ma mata bulunmin halde pasi iryen. ²Gwahade mon kenem saba bikkek gama irde Al Kurun galak irde han mar gobe goyare po huginen mata bulun minmon wukken hitin geb, mata bulun tihit yen matamin goke kanduknen ma nurwon. Irdeb saba bikkek gama irde Al Kurun galak ird ird mata goyen bada hewon. ³⁻⁴Gega bulmakawya memeyat dari belen alyen mata bulun epte ma halde yuntek. Ningeb dapna gasa yirde darim goyen ten al heren utirin ten hanjen gobe mata bulunmin bebak yird yird meten po ten hi.

⁵Ningeb Yesu Kristu megen gar wanbe Al Kurun gaha inyin:

“Gebe al belen ge nin ten dapna gasa yirde, det galak nirwon yen ma nurde hinhan.

Ningeb metenge ten ten nin ne gago al nirarin.

⁶Gebe al belen dapna kumga ten galak girde,
kurab mata bulun halde halde nin galak girde hanjen goke
amanen ma nurde hinhan.

⁷Irkeb ne belen, ‘Al Kurun, ga nena! Asande yitin gwahade po
dufayge gama ire yen wayhem,’ ginmirin,” yitin hi. *Tikin 40:6-8*

⁸ Yesube mehendeb, “Gebe al beleŋ ge niŋ teŋ dapŋa gasa yirde, det galak girde, dapŋa kunga teŋ galak girde, kurab mata buluŋ hal hal niŋ galak girwoŋ yeŋ ma nurde hinhan. Gwaha gird gird niŋ amanen ma nurde hinhan,” yiriŋ. Al Kurun galak ird ird mata gwahade gobe Moseyen sabare yitiŋ gega, Al Kurunbe goke ma nurde hinhin. ⁹ Irdeb Yesu beleŋ basan heŋbe, “Al Kurun, ga nena! Nebe dufayge gama ire yeŋ wayhem,” yiriŋ ningeb, Yesube mere kame tiyyiŋ gwahade po mata gergen forok ire yeŋbe mehende galak mata bikkek niŋ yiriŋ gobe pel iryiŋ. ¹⁰ Yesu Kristube gwaha mat wawuŋ unkuŋende gog po yiŋgen Al Kurun galak iryiŋ. Irkeb gore po neŋbe Al Kurun diliŋde wukken hitiriŋ.

¹¹ Moseyen saba gama irde nan kahalmiŋ nan kahalmiŋ pris beleŋ tumnan huwarde altare dapŋa gasa yirde Al Kurun galak irde mata buluŋ halde halde meten teŋ teban po teŋ hanŋen. Gega dapŋa darim gore mata buluŋ epte ma halde siŋa irtek hinhin. ¹² Goyenbe Yesube alyen mata buluŋ halde yunke goyare po hubu hiyyen yeŋ nurdeb wawuŋ unkuŋende yiŋgen Al Kurun galak irde kamiŋ. Irdeb Al Kurun hitte hurkun hanin yase beleŋ keperde Doyan Al Kurun hiriŋ. ¹³ Irdeb asogomiŋ yago yawan kahan minde yufurka teŋ teŋ nalu niŋ doyan heŋ hi. ¹⁴ Yeŋbe wawuŋ unkuŋende yiŋgen teŋ Al Kurun niŋ galak iryiŋ geb, aly bereyamiŋ goyen Al Kurun diliŋde al wukken yirtiŋ mar goyen huginen buluŋmin kuram moŋ yiriŋ.

¹⁵ Holi Spirit wor goke mehende gaha yitiŋ Al Kurunyen asande hi:

¹⁶ “Ne Doyan Al Kurun gareb gaha yeŋ hime:

Kame nalu goyenter mel go hitte biŋa kurun teŋbe gaha yinen;
Nebe dufaymin bana sabane kereŋ, irde biŋde kayen,” yitiŋ hi.

Yeremaia 31:33

¹⁷ Irde Holi Spirit gore sopte gaha yiriŋ:

“Nebe mata buluŋmin halde yunen.

Irdeb sopte mata buluŋmin ge ma po nuren,” gwaha yitiŋ.

Yeremaia 31:34

¹⁸ Ningeb yitiŋ gwahade po, mata buluŋ halde pasi irtiŋde gorbe sopte mata buluŋ hal hal goke dapŋa gasa yirde Al Kurun niŋ galak ird ird mata gobe ma po hiyen.

Yul ma yetek, saŋiŋ po hetek

¹⁹ Ningeb, kadne yago, Yesu beleŋ neŋ ge teŋ darimiŋ wok irde kamiŋ goke Gasuŋ Himam Wor Po Al Kurun hire gor kafura ma heŋ igiŋ hurkutek hite. ²⁰ Yesu kamiŋ gobe Gasuŋ Himam Wor Po bana hurkun hurkun beleŋ pet titiŋ amil goyen erek yiriŋ go gwahade goyen. Ningeb neŋ gayen Al Kurunya huginen hitek beleŋ gergen wor po goyen kerd dunyiŋ.

²¹ Irdeb al kura Al Kurunyen ya balem goyen doyan irde hi al gobe neŋ hitte hi. Yeŋbe pris buda gote kurunmin fudinde wor po, megen gar niŋ

mon. ²²Ningeb neŋbe bininiŋde mat fudinde wor po yeŋ ge hekkeŋ nurdeb Al Kuruŋ hitte kutek. Neŋbe Yesuyen dari teŋ bininiŋde utiriŋ titiŋ, irde fe wukkek beleŋ mata buluŋniniŋ haltiŋ geb, bininiŋde wukkeŋ wor po nurde hite. Ningeb Al Kuruŋ hitte kuŋ kuŋ niŋ kama ma heŋ hitek.

²³Irde neŋ hitte biŋa tiyyiŋ al gobe yiriŋ gwahade po fudinde tiyyeŋ geb, dufay budam ma heŋbe yeŋ ge hekkeŋ nurde hite yeŋ hityeŋ goyeŋ tareŋ po tanarde hitek. ²⁴Irde kadniniŋ ge amaŋeŋ nurd yuneŋ yuneŋya mata igiŋ teŋ teŋya goke kurut yeŋ hitek yeŋ kadom tareŋ gird teŋ hitek. ²⁵Irde al kura marbe gabu teŋ teŋ niŋ bada heŋ haŋyeŋ gega, neŋbe gwaha ma teŋ hitek. Gabu teŋbe kadom saŋiŋ gird teŋ hitek. Haŋka gayeŋbe yeŋ mulgaŋ heŋ waŋ waŋ nalu binde heŋ hi geb, gabu heŋ kadom tareŋ gird teŋ teŋ mata gobe saŋiŋ po irtek.

²⁶Munaŋ Al Kuruŋyeŋ mere fudinde nurd nurd ga mata buluŋ teŋ teŋ niŋ bada ma hetekbe det hoyaŋ kura mayke kamke Al Kuruŋ galak irde mata buluŋ goyeŋ haltek belŋeŋbe hubu wor po. ²⁷Al kura gwaha tinayiŋ marbe Al Kuruŋ beleŋ gote muruŋgem kafuram wor po yunkeb kak beleŋ Al Kuruŋ asogo irtiŋ mar kumga yiryen goke po doyaŋ henayiŋ. ²⁸Moseyeŋ sabarebe al kura sabamiŋ ma gama irtiŋ al gobe al irawa ma karwo beleŋ al gote mata buluŋ goke merere huwarde tagalkeb al goyeŋ bunineŋ ma irde mayke kamyen yitiŋ geb, gwaha teŋ haŋyeŋ. ²⁹Moseyeŋ saba uliŋ goke wor al gwahade yirde haŋyeŋ. Ningeb al kura Al Kuruŋ Urmiŋ harhok uneŋ sukal irde hi al gobe daha iryen? Al gobe Al Kuruŋ biŋa kuruŋ tiyyiŋ goyeŋ Yesu beleŋ gama irde dari wok irde kamiŋ gore po al wukkeŋ hiriŋ gega, Yesu darim wok irde kamiŋ goyeŋ teŋ kari kari irde hi irde Holi Spirit al bunineŋ yirde igiŋ igiŋ yirde hiyeŋ al goyeŋ sukal irde hi geb, gote muruŋgem buluŋ kafuram wor po goyeŋ tiyyeŋ. ³⁰Goke teŋbe Al Kuruŋ beleŋ Urmiŋ gaha inyiŋ: “Al kurate haniŋ wol heŋ heŋ matabe nere geb, ne beleŋ ga haniŋ wol heweŋ,” inyiŋ. Irde sopte gaha yiriŋ: “Doyaŋ Al Kuruŋ beleŋ alya bereyamiŋ goyeŋ merem yaŋ yiryen,” yiriŋ. Neŋbe gwaha yiriŋ al goyeŋ nurd uneŋ hityeŋ. ³¹Al Kuruŋ gwahader hitiŋ beleŋ gwaha yiriŋ geb, yende bearar bana hitek gobe kafuram wor po yeŋ nurde hime.

³²Ningeb haŋkapy a Al Kuruŋyeŋ mere fudinde hulsi yara go nurde dahade hinhan goke dufay henayiŋ. Deŋbe kanduk kurayen kurayen yeneŋ hinhan gega, tareŋ po heŋ hinhan. ³³Kurarebe dukuŋ al buda kuruŋ diliŋ mar sukal dirde, muduneŋ hinhan. Irde kurarebe al kura kanduk gwahade yeneŋ hinhan marya heŋ yeŋya tumŋaŋ kanduk bana hinhan. ³⁴Deŋbe al koyare heŋ kanduk yeneŋ hinhan mar goke bitiŋ misiŋ nurde faraŋ yurde hinhan. Irde asogo dirde hinhan mar beleŋ samuŋtiŋ goraŋ dirde hinhan gega, samuŋtiŋ megeŋ gar niŋ mon, hugineŋ hinayiŋ go miŋyaŋ yeŋ nurde hinhan. Ningeb megeŋ niŋ samuŋtiŋ goraŋ dirtiŋ goke ma nurde amaŋ heŋ hinhan.

³⁵Ningeb, kanduk dahade kura kenej hinayij gega, Al Kuruj niñ hekkeñ nurtij goyen tubul ma po tinayij. Gote murungembe igij wor po, irde kuruj wor po. ³⁶Ningeb det igij goke doyan henbe arañen yul yen bada ma henayij. Gogab Al Kurujyen dufay gama irde meten tenbe yen beleñ detmiñ dunen yen biña tiyyij goyen tenayij. ³⁷Yenbe hen ga mon wayyen goke gahade katinj:

“Al wayyen yitij al gobe wayyen.

Wañ wañ nalumiñ singir ma iryen.

³⁸Delner al huwak gobe ne niñ hekkeñ nurde hinayij.

Gega al kura nubul tiyyen al gokeb amañen ma nurd unen,” yirij.

Habakuk 2:3-4

³⁹Ningeb nenbe dufayniniñ sorkok hen Al Kuruj tubul ten kuñ buluj hetek mar mon. Gwahade yarabe yen ge hekkeñ nurdeb yenya hugijen hitek mar.

Al Kuruj niñ hekkeñ nurtek

11 ¹Be, al kura Al Kuruj niñ hekkeñ nurde hañ marbe Al Kuruj beleñ det kura yunen yeke goke doyan henyaabe fudinde wor po dunyen go yen nurde ga hanjen. Irde det kura diliñde ma yintij gega, Al Kuruj beleñ goke yitij geb, det gobe fudinde hi yen dufay budam ma hen hanjen. ²Asininiñ yagobe Al Kuruj niñ hekkeñ nurde hinhan. Irkeb goke Al Kuruj beleñ diliñde igij wor po yenen hinhin. ³Nenbe Al Kuruj niñ hekkeñ nurde hite. Ningeb megenya nanjinya irde det kuruj gayen yen beleñ mohonje po yeke forok yamiñ goyen bebak ten hityen. Irde det kuruj gabe det kura dilniniñde yenen hite gare ma yiryij yen nurde hityen.

⁴Be, Abelbe Al Kuruj niñ hekkeñ nurde hinhin. Ningeb yen beleñ Al Kuruj niñ galak iryij gobe igij wor po, itij Keinyen folek. Ningeb Al Kurujbe det Abel beleñ galak iryij goke amañen nurhem yirij. Irdeb Abel beleñ yen ge hekkeñ nurde hinhin goke al huwak inyij. Abelbe kamiñ gega, yen beleñ Al Kuruj niñ hekkeñ nurde hinhin mata gobe gayenter wor nen beleñ gama irtek mata hi.

⁵Be, Enokbe Al Kuruj niñ hekkeñ nurde hinhin. Ningeb diliñ gergen hikeya Al Kuruj beleñ yingen hitte tukukeb bemel po bana kuriñ. Irkeb al kura ulij hakwam go ma po kenamiñ. Al Kuruj niñ hekkeñ nurde hinhin goke Al Kuruj beleñ diliñde igij wor po kinyij. ⁶Fudinde, al kura Al Kuruj niñ hekkeñ ma nurde hi al gobe Al Kuruj beleñ matamiñ goke amañen ma nurde hi. Ningeb Al Kuruj hitte kuñ hañ marbe Al Kurujbe hi goyen fudinde yen nurde hinayij. Irde yen ge sari kerde nankenen hañ mar gobe Al Kuruj beleñ gote murungem igij yunyen goyen wor fudinde yen nurde ga hinayij.

⁷Be, Noabe Al Kuruj niñ hekkeñ nurde hinhin. Ningeb kame mata forok yiyyen goke Al Kuruj beleñ inke nurdeb meremiñ po gama iryij.

Irdeb hakwa kurun wor po kura irdeb dirinminmin goyen daha kamnak yen hakwa bana gon yiriyin. Yen belen mata gwaha tiyyin goreb goyenter nin alya bereyat mata bulun kawan yikala yiriyin. Irkeb Al Kurun nin hekken nurde hanjen mar Al Kurun belen al huwak yinen hiyen gwahade po, yen wor al huwak inyin.

⁸Be, Abrahambe Al Kurun nin hekken nurde hinhin. Ningeb Al Kurun belen hoy irde nana kura kame yende hiyyen de gor kwayin inke kurin. Yenbe nana gor yen ma nurde hinhin gega, nanamin tubul ten kurin.

⁹Abrahambe Al Kurun nin hekken nurde hinhin. Ningeb nana kura Al Kurun belen unen yen bina tiyyin nanare gor kurin gega, albak hen kun hitin yara hinhin. Nana gobe kame urmin Aisakya asem Yekopyat nana hiyyen gega, tumnan albak hitin yara dapna sikken belen po ya irinde hen kun hinhan. ¹⁰Abrahambe megen gar nin taun nin ma nurde hinhin. Yenbe taun kura epte ma bulun hen huginen hitek goyen goke po nurdebe nanamde goyen albak yara hen kun hinhin. Taun huginen hitek gobe Al Kurun belen po gwaha gwaha iren yen dufay henbe iryin.

¹¹Be, Abrahambe alik bulun wor po hiri, irde berem Sara manan dirin kawan kertek ma hiri. Goyenbe Abraham go Al Kurunbe bina tiyyin gwahade po forok irde nunyen yen yen ge hekken nurde hinhin. Ningeb Sara gob bin hen dirin al dirin kawan kiriyin. ¹²Al go alik bulun wor po epte ma dirin minyan hetek gega, yen hitte mat al budam wor po fuful tiyyin. Al fuful tiyyin goyenbe dinambeya manan feren de nin sawsawa yara epte ma kapyan hetek gwahade hamin.

¹³Be, mel gabe tumnan Al Kurun nin hekken nurde kun kunbe kamamin. Mel go megen henyabe Al kurun belen detmin yunen yen bina tiyyin goyen ma yawaramin. Goyenbe det go kame kame gwahade forok yiyyen yen nurdebe goke aman hen hinhan. Irdeb, “Nenbe megen gar nin mon, albak yara hen belnen hite,” yen hinhan. ¹⁴Gwaha yen hinhan gobe, “Nananinin fudindebe hoyan hi,” yen nurdebe gogo yen hinhan. ¹⁵Munan mel gore megen nin nanamin yubul tiyamin goke dufay ug po hen hinhan manhan hakot po mulgan hen kuwon. ¹⁶Gega gwaha ma tiyamin. Gwaha titnenbe mel gobe nana igin Al Kurun hiyende gor kunin yen goke po nurde hinhan. Irkeb Al Kurunbe mel goke nurde taun kura megen nin yara mon goyen yunen yen gitik iryin. Ningeb Al Kurunbe mel gore Al Kuruninin inen inen goke memya ma hen hiyen.

¹⁷Be, Abrahambe Al Kurun nin hekken nurde hinhin. Ningeb Al Kurun belen tunan ure yen urmin Aisak nin inke meremin po gama irde urmin go Al Kurun nin galak iryin. ¹⁸Bikken Al Kurun belen Abraham dilinde bina tenyabe, “Fonenge yago nin bina tihim gobe urge Aisak hitte mat forok yenayin,” inyin. ¹⁹Ningeb Abraham go Al Kurun belen gwahade bina tiyyin go bebak tenbe, “Al Kurunbe urne maymeke kamyen goyen igin sopte isan hiyyen,” yen hekken nuriyin. Irde urmin mayen tike Al

Kurun belen bada hawa iniyin. Ningeb mata goke tenbe, “Abrahambe urmin kamtin goyen Al Kurun belen isan hej tumulgan ten unyin,” yen hanjen.

²⁰Be, Aisak wor Al Kurun nin hekken nurde hinhin. Ningeb urmin waran Yekopya itin Isoya hitte kame mata dahade forok yenayin yen nuryin gwahade po guram yirde sanin yiriyin. ²¹Yekop wor Al Kurun nin hekken nurde hinhin. Ningeb alik bulun wor po hej kamen ten hejyabe Yosep urmin waran hitte kame mata dahade forok yenayin yen nuryin gwahade po guram yirde taren yiriyin. Irdeb genunmin hende tawun hej huwarde hejyabe Al Kurun doloj iriyin.

²²Be, Yosepbe Al Kurun nin hekken nurde hinhin. Ningeb yen kamen ten hejyabe kame kame Israel mar goyen Isip naja tubul ten kunayin goke tagalyin. Irdeb Israel mar goyen kunin yenbe kininin manan yade goya kun nanamde gab mete ten ten yinyin.

²³Be, Mose naniya miliyabe Al Kurun nin hekken nurde hinaryum. Ningeb urmin Mose kawan hekeb dirin malinen mon yara kenaryum. Irdeb Isip nin doyan al kurun belen dirin muknen al dirin kawan hekeb gasa yirke kamnayin yirin goke kafura ma haryum. Irde Mose kawan hirinde mat gagasi karwo gayen bana kerde hike kun kun kurun hirin.

²⁴Be, go kamereb Isip nin doyan al kurun Fero wirin belen Mose ten yende urmin yara irke kun kun kurun hirin. Goyenbe Mosebe Al Kurun nin hekken nurde hinhin ningeb, kamebe Fero wirin gote urmin hej hej goyen pel iriyin. ²⁵Yenbe Fero wirin gote urmin hej denem yan hejbe belnen megen nin mata bulun nin aman hetek hinhin. Gega pel irde Al Kurunyen alya bere belen kanduk yenen hinhan goyen yen wor mel goya hej tumnan kanduk yentek belnen goyen po gama irde hinhin. ²⁶Yenbe gwaha ten hinhin gote murungembe kame Al Kurun belen kurun wor po nunyen yen nurde hiyen geb, Israel marya hej kanduk yenen yenen gobe det kurun, munan Isip nanare nin samun kusamun wor po yad yad gobe det dirnen yen nurde hinhin. Yen belen gwaha ten hinhin gobe Yesu Kristu nin ten gogo ten hinhin yen nurde unen hime. ²⁷Mosebe Al Kurun nin hekken nurde hinhin. Ningeb Isip nin doyan al kurun belen yen ge bin ar yirin goke kafura ma hej Isip tubul ten kurin. Yenbe Al Kurun banare hitin goyen kinyin geb taren po hinhin. ²⁸Be, Mosebe Al Kurun nin hekken nurde hinhin. Ningeb Pasoba dula mata ten sipsip gasa yirde dari yade yame kantayan sam yirde yukunayin yinke gwaha tiyamin. Irkeb Al Kurunyen miyon, alya dapnayat dirin matalin gasa yirke kamtek gore wanbe dari yamere go yenenbe fole yirde kukeb Israel marte dirin matalinbe ma kamamin.

²⁹Be, Israel marbe Al Kurun nin hekken nurde hinhan. Ningeb makan ala kura Makan Bukken inen hanjen goyen Al Kurun belen pota irke kahalte megen fudin forok yirin. Irkeb goyan kun kurhan forok yamin.

Goyenbe Isip marbe Israel mar belen tiyamin gwaha tiniŋ usi teŋ kukeb makan belen aw yurke tumŋan kamamin.

³⁰Be, Israel mar gobe Al Kurun niŋ hekkeŋ nurde hinhan. Niŋgeb naŋa fay 7 gayen naŋkahalmiŋ naŋkahalmiŋ Yeriko taun go milgu irde kuŋ hinhan. Irkeb koya kurun hora karkuwan belen po taun go milgu irtiŋ gobe gilgalaŋ irde katamiŋ. ³¹Goyenbe belen niŋ leplep bere kura deŋembe Rahap gobe Al Kurun niŋ hekkeŋ nuriŋ. Niŋgeb Israel mar al irawa kura Yeriko taun go kawemde naŋa tulyan kure yeŋ kwaryum goyen Yeriko taunde niŋ mar belen gasa yirnak yeŋ hoy yirde yamiŋde bana yiriŋ. Irkeb Yeriko taunde niŋ mar goyen Israel mar belen kuŋ tumŋan gasa yirde heŋyabe Rahap muŋ po gab tubul tiyamin.

³²Be, Al Kurun niŋ hekkeŋ nurde hinhan mar hoyan gote baraŋ sopte momoŋ ma direŋ. Gideon, Barak, Samson, Yepta, Dewit, Samuelyabe porofet yagoya gore mata teŋ hinhan gote baraŋmiŋ tagalenbe ulyan de kutek geb, gar po bada heweŋ. ³³Mel gobe Al Kurun niŋ hekkeŋ nurde hinhan. Niŋgeb mel go kurabe megen niŋ doyan mar karkuwan yakira teŋ yende gasunde keperamiŋ. Irde kuramiŋbe mata huwak mat al doyan yiramiŋ. Irde kurabe Al Kurun belen det igiŋ yuneŋ yeŋ biŋa tiyiŋ goyen yawaramiŋ. Irde kurabe laion kafuram wor po gote mohon fada yiramiŋ. ³⁴Irde kuramiŋbe kak ala karkuwan bana yemeyamiŋ gega go ma kamamiŋ. Irde kurabe fuleŋare niŋ bidila belen gasa yirteke kamnan yamiŋ gega, soŋ hamiŋ. Irde kurabe saŋiŋ miŋmoŋ gega, Al Kurun belen tareŋ yiriŋ. Kurabe fuleŋare niŋ mar tareŋ miŋyan geb, naŋa hoyande niŋ fuleŋa mar gasa yirde yakira tiyamin. ³⁵Bere kurabe diriŋmiŋ kamtiŋ goyen sopte huwarke yenamiŋ. Munan kurabe Al Kurun niŋ teŋ al hoyan belen bulun bulun yirke uliŋ misiŋ kurun wor po katamiŋ. Gega kame Al Kurun belen disaŋ hiyyeŋ go yeŋ nurde kamde kamde niŋ kafura ma heŋ Al Kurun harhok ma unamiŋ. ³⁶Irde kurabe al hoyan belen giwgiw yirde yusulak tiyamin. Irde kura marbe kahanŋa haniŋya fere yirde yukuŋ koyare yeramiŋ. ³⁷Mel gobe horare gasa yirke kamamiŋ, irde he walde walde det belen kahal yon yurke kamamiŋ, irde kurabe fuleŋare niŋ bidilare po gasa yirke kamamiŋ. Mel gobe det niŋ amu wor po heŋ hinhan, irde kurabe uliŋ umŋa igiŋ moŋ sipsipya memeyat sikkeŋ kerkek wor po goyen hor yirde hinhan. Mel gobe al buniŋeŋ, det miŋmoŋ wor po, irde al hoyan belen nanyan yirde bulun bulun yirde hinhan. ³⁸Megen niŋ marbe al gwahade goyen goke igiŋ ma nurde hinhan geb, mel go gor kura kuŋ igiŋ kepertek miŋmoŋ hamiŋ. Mel gobe gwaha yirkeb sawsawa po kurun naŋa bana hinhan. Munan kurabe duguyan kuŋ horabok bana hinhan. Irde kurabe megen yameyan heŋ kuŋ hinhan.

³⁹Be, al buda kurun goke tagalhem mar gobe Al Kurun niŋ hekkeŋ nurde hinhan. Niŋgeb Al Kurun belen nere alya bereya fudinde yeŋ nurde yuniŋ. Goyenbe mel gobe Al Kurun belen det yuneŋ yeŋ biŋa tiyiŋ

kurun goyen kura ma tamin. ⁴⁰Al Kurunbe mel go po mon, neŋ gayen wor yeŋ beleŋ biŋa tiyyin gote iginen igin wor po goyen yunmeke yenya nenya tumŋaŋ bulun minmon igin wor po henayin yeŋ nurdeb gogo aran ma yunin.

Yesu po gama irde hitek

12 ¹Ningeb Al Kurun nin hekkeŋ nurd nurd mata dikala dirtin mar gwahade gobe budam wor po nurd yunen hite geb, Al Kurun nin hekkeŋ nurd nurd beleŋ pet dirtek detbe yade siŋa yirtek. Irde mata bulun, neŋ gayen bulun dirke kateŋ hityen goyen yubul po titek. Irde gab al kura kup yeŋ yeŋ karire heŋ kup yeŋ kuŋ pasi irde hanŋen yara, neŋ wor megen gar henya Al Kurunyen dufay gama ird ird beleŋ kerd duntin goyen kuŋ kuŋ nin bada ma heŋ kurut wor po yeŋ hitek. ²Yesube Al Kurun nin hekkeŋ nurd nurd mata gote min al, irde go mata goyen igin wor po irtek al. Ningeb neŋbe Yesu yeŋ unkuŋen nin po dufay heŋ hitek. Hoyaŋ hoyaŋ nin ma nurtek. Yeŋbe kame Al Kurun beleŋ turun iryen goyen nurde hinhin geb, kuruse hende kamde kamde nin memya ma heŋbe ulin misiŋ kateŋ kamyin. Irdeb kamyinde mat huwardeb Al Kurun hitte hurkurin. Hurkunbe Doyaŋ Al Kurun heŋ Al Kurunyen hanin yase beleŋ kipiriyin. ³Irde mata bulun mar beleŋ bulun bulun irde hike goke mukku ma teŋ goya goya saŋin po hinhin goke dufay henaŋ ko. Gogab deŋ wor Al Kurun gama ird ird goyen yul ma yeŋ bada ma henayin.

Al Kurunbe huwak dire yeŋbe kurareb kanduk yubul tike forok yeŋ hanŋen

⁴Deŋbe mata bulun ma teŋ hitek yeŋ kurut wor po yeŋ haŋ. Goyenbe mata bulun asogo irde haŋ goke kura ma kamde haŋ. ⁵Irde Al Kurun beleŋ dirinne yago dinenbe tareŋ heŋ heŋ ge faraŋ durtin goyen bitin sir yeŋ hi. Tareŋ dirtek mereminbe gahade:

“Dirinne, Doyaŋ Al Kurun beleŋ saba girde hiyen goyen kari kari ma irayin.

Irde mata bulun ge goke ginen tikeb bulunen ma nurde hayin.

⁶Doyaŋ Al Kurunbe alya bereya bubulkunne wor po yeŋ nurde yunen hi goyen saba yirde kukalde hiyen.

Irde Al Kurun beleŋ al kura nere yeŋ nurde unen hi al gobe mata bulun tike bebak tiyyi yeŋbe gote murun gem bulun unen hiyen,”
yitin hi.

Mata Igin 3:11-12

⁷Ningeb Doyaŋ Al Kurun beleŋ saba dirde kukalde dunke goya busahard hard nin ma nurde hinayin. Yeŋbe al beleŋ dirnen weŋ saba yirde hanŋen gwahade goyen po, neŋ gayen saba dirde hiyen. Al kura urmin saba ma irde hiyen kenem dirin gobe urmin yende wor po mon. ⁸Dirinbe tumŋaŋ naniŋ yago beleŋ saba yirde huwa yirde hanŋen. Goyenbe adotin beleŋ deŋ goyen

saba dirde huwa ma dirde hinayinbe denbe yende dirnen wen fudinde mon. ⁹Nengeb nanninin yago megen nin belej saba dirde huwa dirde hanjen goyen goke palap yirde hityen. Nengeb det kawan hanya banare hanya gote min al Al Kurun gore nen gayen yenya huginen hen hen ge ten saba dirde huwa dirde hike dahade geb palap ma irtek? Epte mon, palap po irtek. ¹⁰Nanninin yagobe dufayminde igin yen nurde hinhan belej goyen gama irde nen gayen belnen po saba dirde kukalde dunen hinhan. Munan Al Kurunbe nen gayen yingen yara dilingde wukken wor po hewon yen saba dirde huwa dirde hiyen. ¹¹Goyenbe saba dirde huwa dirde hikeb bininingde misin nurde hityen geb, saba dird dird ninbe amanen ma nurde hityen. Gega bininingde misin gwahade nurde gab kenkela bebak tenbe Al Kurun dilingde igin mata huwak ten hitek. Irdeb bininin kamke igin po hitek.

Kenkela hen hinan ko

¹²Nengeb Al Kurunyen mere tanartek taren minmon irde meremin gama irde kutek sanin manan hubu kenem gor po bada ma henayin. Sopte taren po hen gama irde kun hinayin. ¹³Irde mata huwak ten ten belentin goyen sope yirde huwa yirde hinayin. Gogab mata huwak ten ten taren dirnen mun po hi goyen sopte kurun heke igin gama irde kun hinayin.

¹⁴Nengeb gwahade hitek yenbe bitin kamke al buda kurun goya awalikde hen hen ge kurut wor po yen hinayin. Irde Al Kurun dilingde wukkek hen hen ge kurut wor po yen hinayin. Al Kurun dilingde wukkek ma hinayinbe epte ma Al Kurun kennayin geb, gago dinen hime. ¹⁵Irde kuratin kura son henbe Al Kurun belej buningen dirde igin igin dirde hi bana goyen ma hinak geb, kenkela hen ga hinan ko. Irde he bulun kura^b belej he hoyan igin goyen salaw yurde tukun hanjen gwahade yara, monggo den han bana al kura belej dufay bulun kerde wanbe dende dufay tumnan bulun yirnak geb, goke kenkela hen ga hinan ko. ¹⁶Aisakyen urmin matalin Iso gobe Al Kurun belej guram irde sanin wor po irwon. Goyenbe bingge kamiy goke ten Al Kurunyen tarende nanin belej guram irde taren ird ird goyen goke ma nurdeb pel iryin. Nengeb denbe Iso belej mata tiyyin gwahade ma ten hinayin. Irde lelep mata ma ten hinayin. ¹⁷Isobe kame bin bak yeke Al Kurunyen saninde guram nirde taren niryen yen nanin gusunan iryin gega, nanin belej meremin ma nuriy goyen denbe nurde hanjen gogo. Yenbe esenya esenya nanin gusunan iryin gega, Al Kurun nin bin mulgan hen mata bulun tubul titek nalube bikken hubu hiri geb, gogo son hiri.

Nengeb Al Kurunyen Yerusalem bana hite

¹⁸Be, asetin yagobe kun Sainai dugu kahan minde forok yamin. Gor forok yenbe kak melak kurun forok yeke kenamin. Irde kidoma taren

^b 12:15 He gayenbe nendebe buwi he go gwahade.

wor po kukuwamneŋ beleŋ dugu go aw urde meŋe kurun forok yeke kenamiŋ. Goyenbe deŋ wayaŋ dugu gabe bikkeŋ asetin yago beleŋ Sainai dugu keneŋ ufuramiŋ gwahade moŋ. ¹⁹Asetin yagobe Sainai dugure gor bigul fuk irke nuramiŋ, irde al melak kura saŋin miŋyaŋ wor po naŋkinde mat forok yeke nuramiŋ. Irdeb kafura wor po heŋbe, “Neŋ gahade gare mere gwahade nurtek moŋ. Niŋgeb sopte goya mere ma dirwoŋ yeŋ nurde hite,” yamiŋ. ²⁰Mel gobe Al Kurun beleŋ, “Al kura dugu gayen ufurnayiŋbe hora beleŋ gasa yirke kamnayiŋ. Dapŋa wor gwahade po yirnayiŋ,” yiniŋ goyen nurdeb kafura heŋbe sopte nurtek ma yiriŋ. ²¹Mel gore mata kenamiŋ gobe kafuram wor po geb Mose wor, “Kafura heŋ ulne barbar yeŋ hi,” yiriŋ.

²²Goyenpoga dugu deŋ wayaŋde gab Sainai dugu gwahade moŋ. Deŋbe Saion dugure wayaŋ. Dugu gobe megen niŋ moŋ, Al Kurun gwahader hitiŋ gote taun. Taun gobe Al Kurunyen gasunde niŋ Yerusalem. Deŋbe Al Kurunyen miyoŋ budam wor po epte ma kapaŋ hetek goyen gabu irtiŋde wayaŋ. ²³Gorbe Al Kurunyen diriŋeŋ weŋ tumŋaŋ gabu irtiŋ haŋ. Yende deŋembe Al Kurunyen gasunde gor haŋ. Irde dende wor gor haŋ. Irde al beleŋ diriŋmiŋ mataliŋ guram yirde tareŋ yirde haŋyen gwahade yara, Al Kurun beleŋ deŋ goyen guram dirde tareŋ dirde hi. Yeŋbe alya bereya tumŋaŋ al igiŋya buluŋya pota yirde gote muruŋgem yuneŋ yuneŋ al. Deŋbe Al Kurun gwaha teŋ hiyen al goya al huwak Al Kurun beleŋ buluŋmiŋ kuram moŋ igiŋ wor po yirtiŋ gote toneŋya gor gabu irtiŋ haŋ. ²⁴Irdeb deŋ wor Yesu hitte wayaŋ. Yeŋbe alya bereya niŋ teŋ Al Kurun hitte kuŋ Al Kurun beleŋ biŋa gergeŋ tiyiŋ goyen saŋiŋ irde gote igineŋ forok irdeb alya bereyat mata buluŋ halde halde niŋ teŋbe darim wok irde kamiŋ. Yesuyen dari gobe Abel mayke darim wok yiriŋ go goya tuŋande moŋ. Abelyen daribe al go mayke kamke dari go keneŋbe Al Kurun beleŋ mayyiŋ al goyen wol hiriŋ geb, dari gobe wol heŋ heŋde niŋ dari. Niŋgeb Yesuyen dari gobe Abelyen dari gote folek.

²⁵Niŋgeb Al Kurun beleŋ mere dirke pel irnak geb, keŋkela heŋ hinaŋ ko. Bikkeŋbe megen niŋ al nindikeŋ yara Mose beleŋ asetin yago Israel mar saba yirde hayhay yirke meremiŋ pel iramiŋ gote muruŋgem buluŋ wor po tamiŋ. Munan gayenterbe Al Kurun, Mose gote folek gore saba dirde hayhay dirke ga pel irnayiŋbe gote muruŋgembe dahade tetek yeŋ nurde haŋ? Asetin yago beleŋ tamiŋ gote folek wor po tenayiŋ geb. ²⁶Al Kurun beleŋ Sainai dugure kateŋ mere tiyiŋ goya goyenbe megeŋya dugu kurun goya aŋgor yiriŋ. Goyenbe gayenter niŋ yeŋ Al Kurun beleŋ biŋa teŋbe, “Kamebe sopte megeŋ ga aŋgor ireŋ. Naŋkin manaŋ gwaha ireŋ,” yiriŋ. ²⁷Mere bilmiŋ “Kame sopte aŋgor yireŋ,” yiriŋ gote miŋbe kame waŋbe det aŋgor yirke korgoŋ henayiŋ goyen tumŋaŋ gwamuŋ yuryeŋ goke yiriŋ. Korgoŋ henayiŋ det gobe megeŋya naŋkiniŋya irde det kurun yiŋgeŋ yiriŋ goyen goke yiriŋ. Korgoŋ ma henayiŋ detbe hugiŋeŋ hinayiŋ.

28-29 Ningeb Al Kurun belen alya bereyamin doyan irde hire gobe ugala mun kura ma tiyen geb, huginen kininen hiyen goke Al Kurun igin nurd untek. Irde Al Kurunbe kak yara geb, alyen mata bulun nin igin ma nurdeb kumga yirde hiyen geb, palap irde kafura irdeya dolon irde hitek.

Al hoyan nin amanen nurtek

13 ¹Ningeb denbe Yesuyen alya bereya hoyan kadtin hamin goyen dende dari wor po yara nurdeb yen ge amanen nurde yunen hinayin. ²Irdeb al tinen kura yenenbe gargar yird yird nin bitin sir ma yen hiyen. Al kura Al Kurunyen miyon yen hitte wayamin gega, bebak ma tenja gargar yiramin geb, gago dinen hime. ³Irde Yesu nin ten koyare han mar goke bitin sir ma yen hiyen. Mel goke dufay henya be den wor yenna tumnan koyare hite yara nurde henya faran yurde hinayin. Irde al kura bulun bulun yirke kanduknen nurde han mar goyen yenenbe goke buninen yirde den wor yen misin nurde han gwahade yara nurdeya faran yurde hinayin.

⁴Be, alya bereya ire unya hen hen mata gobe Al Kurun belen iryin geb, mata go palap irde bulun ma irde hinayin. Munan al kura berem yan gore bere hoyanja duwan ten ten mata ten han marya lelep mata hoyan kurayen kurayen ten han marya gobe kameb Al Kurun belen merem yan yiryen. ⁵Irde hora nin ugun po ma dufay hen hinayin. Al Kurun belen, “Nebe epte ma gakira tiyen, irde epte ma gubul tiyen,” yirin geb, hora mun kura hikeb gago ep yen nurde hinayin. ⁶Al Kurun belen gwaha yirin geb, nenbe yen ge hekken nurdeb, “Doyan Al Kurunbe faran nurd nurd al geb, epte ma kafura hewen. Megen nin mar belen ne gayen epte ma bulun nirnayin,” yen nurde hitek. ⁷Irde den goyen Al Kurunyen mere saba dirde hinhan mar, dende doyan mar goke bitin sir ma yen hiyen. Irde Al Kurun nin hekken nurde mata ten henbe gote igenen forok yen hike yenen hinhan goke dufay henbe yen mata ten hinhan gwahade po ten hinayin.

⁸Fudinde, Yesu Kristube bikken hinhan gwahade po, han ka gayen hi. Irde kame manan huginen hiyen. ⁹Ningeb al kura saba hoyan tawan bitin yawarnin tike mali mali ma gama yirde hinayin. Al Kurun dilindebe bingen nen nen mata gore epte ma dufaytin taren iryen. Al Kurun belen buninen dirde igin dird dird saba go kenkela bebak tike gab dufaytin taren hiyyen. Bingen nen nen mata nin yitin saba bikkek go gama irde hinhan marbe gote igenen kura ma po yawaramin.

¹⁰Nen hittebe Al Kurun galak ird ird alta kura hi. Goyenbe Israel marte pris megen nin gasun himam Al Kurun dolon ird ird bana gon hurkun meten ten han mar gobe nende alta hende gor det Al Kurun galak irtin goyen epte ma yade nenayin. ¹¹Yende saba bikkekdebe pris buda gote kurunminbe alyen mata bulun halde yune yen dapna gasa yirde darim po ten Gasun Himam Wor Po bana gon hurkun hiyen. Munan gasonbe Israel mar tiyun ten han yen sinare yukun kumga ten hiyen.

¹²Ningeb Yesu wor darimin wok irde kamke gore po alya bereyat mata bulun halde halde nin Yerusalem taun sinare ulin misin kurun katen kamyin. ¹³Ningeb neŋ wor Yesu nin teŋ bulun dirke yul ma yeŋ saŋin po hetek. Irde Yesu beleŋ kurin goyen po gama irde hitek. ¹⁴Neŋbe megen gar nin taun kura hugineŋ hiyeŋ goke ma nankenen hite. Gwaha titneŋbe kame forok yeŋ hugineŋ hiyeŋ taunde hurkun hurkun nin nankenen hite.

¹⁵Ningeb Yesuyen tarende Al Kurun hugineŋ kasor irde hitek. Gobe Al Kurun galak ird ird mata geb, mohoŋnininde deŋe urde isoka irde hitek. ¹⁶Irde al hoyan igin igin yirde, al kura det nin amu heŋ han mar faran yurd yurd nin bitin sir ma yeŋ hinayin. Al Kurun beleŋ matatin go keneŋbe ne galak nirde han yeŋ nurdeb amanen nurd dunyeŋ.

¹⁷Be, deŋbe deŋ Yesuyen alya bereyat doyan marte mere nurde gama irde hinayin. Irde yende yufukde heŋ mata teŋ hinayin. Mel gobe deŋ beleŋ Al Kurunyen mere keŋkela gama irnayin yeŋ Al Kurun beleŋ meten yuntin geb, doyan dirde han. Ningeb meremin nurde gama irde hinayin. Gogab mel gobe meten teŋ hanŋen goke bulunen ma nurde aman heŋ hinayin. Gwaha ma tinayinbe metenmin gore faran ma duryeŋ.

¹⁸Irde neŋ ge Al Kurun gusunan irde hinayin. Neŋbe binininde mat wukken wor po nurde hite, irde mata huwak po teŋ hitek dirde hiyeŋ. ¹⁹Irdeb Al Kurun gusunan irde heŋyabe yeŋ beleŋ aranen nad nerke deŋ hitte kun kun nin wor gusunan irde hinayin.

²⁰Be, Doyan Al Kuruninin Yesube neŋ sipsip yara gate doyan al kurun hiriŋ. Yeŋbe Al Kurun beleŋ bin tiyyin hugineŋ hitin goyen tareŋ ire yeŋ darim wok irde kamyin. Irkeb Al Kurun beleŋ kamtinde mat isan hiriŋ. Al Kurun gwahade gobe bin kamke igin heŋ heŋ gote min al.

²¹Ningeb Al Kurun beleŋbe deŋ goyen saŋin heŋ dufaymin gama irde mata igin tinayin yeŋ det igin kurun gitik teŋ dunwon yeŋ nurde hime. Irde yeŋ beleŋ mata amanen nurde hitek goyen neŋ bana forok yirde hikeb Yesu Kristuyen tarende mata teŋ hiwon yeŋ nurde hime. Yesu Kristube hugineŋ deŋem turun yan hiyeŋ. Fudinde wor po.

²²Be, kadne yago, asan gabe deŋ tareŋ dire yeŋ kayhem gega, ulan ma kayhem. Ningeb saba dirhem gayen al kura kapyan heŋ dunke pinen ma nurde keŋkela palŋa irnayin. ²³Kadninin Timoti koyare hinhin gobe gayamun ga po ga sin iraŋ goyen nurde ga hinayin. Timoti goyen heŋ ga mon ne hitte wakeb yeŋya tumnan deŋ denye yeŋ kureŋ.

²⁴Nebe Al Kurunyen alya bereya tumnan denya han marya doyan martinŋa goke dufay heŋ himyen goyen deŋ beleŋ mel go momon yirnayin. Itali nanare nin Yesuyen alya bereya wor deŋ ge dufay heŋ han goyen momon yirayin ninhan geb, gago bebak dirhem.

²⁵Al Kurun beleŋ deŋ tumnan bunineŋ dirde igin igin dirde hiwon yeŋ gusunan irde hime. Gog po.